

(I)

E storia di Grot di ChuChu.

E storia aki ta un busca mento di e Grot cu ningun hende no sabi di dje. E storia mas o menos di loque cu mi sabi di e grot ey, y cu nos a camna dia cu nos a drete e Grot

Tabata ariba un dialuna dia 16, April 1954. Sinta bao di un palo di Watapana) na tanki di Sabana. Grandi, combersando.

Ariba e sero nan cu tin ariba e isla di ARUBA. Mi tabata traha L.V.V. na, wayaca e tempo ey e ta na unda cu e Airopuerto nobo a wordo construy. Bueno mi mi a tuma vacantie 14. dia pero nos tabata dal nos biter nan di Brandi Pedro Domeq ta e sey tabata manda e tempo nan ey a cumsa wornup. 2 boter grandi di Fls. 5.25. pero combesando ariba e sero nan y e jobida di dos dia prome esta dia 14 y 15. di April. esta Diasabra y Diadomingo. E tanki di Sabana Grandi a jena di e jobida grandi te cu el a bai over. Tabata tin hopi hende di pueblo ey a bini mira e tanki ora cu el jena bai, over) Dialuna nos tabata bao di e palo di watapana tabata papia di musica nan di Mambo di Perez. Prado. y di Orquesta. America, y su Cha Cha, y su Danzon y nos tin nos Radio tocando e Musica nan di Sonora. Matancera di Cuba.

Despues nos a cumsa cu e sero nan a trobe nos cumsa ta di kiko e sero nan, ey nan a wordo forma e decicion a wordo tuma cu ta di vulcan cu a jega di pasa hopi siglo nan pasa. Pero despues a pasa den mi cabez cu mi abuelo a bisa nos di e Spilon di Chu Chu despues e cuenta di e Grot a cumsa. Cu nos por conoce tabata) Tony, y Louis, mi primo y Thomas. Croes. y, Roberto. Maduro. Eleodoro. Minguel. Nos a plania pa bai rondia e Grot di Chu Chu. cu tabata menta pa varios hende nan cu ta papia di dje nan un sabi ta na unda e ta queda di Chu Chu, esta banda di lama.

E bieu nan si sabi di e grot manera e bieu nan di nos welo conta nan. y mas grandi dinan sobre welo, eyanan wela. Anto ariba un dia nos a para, pa un banda di e grot. Pero bo no ta mire, pasobra cu eta flat cu tera. Despues ariba un Diadomingo nos a bolbe bai rondia e grot di Chu Chu, atrobe banda di 2, P.M. nos a mira un yuana core direcion bai noord den un buraco cu un scheur den dje anto nos a decida di bai tras di Yuana, Pero ora cu nos a jega nos a mira e buraco ta basta hanchu cu bor a drete. Nos decidi di bai baha den e scheur di e Buraco, Pero nos a wak den nos a, baha bai den dje nos a camna solamente un 5. meter den e Grot. Nos tur 6. persona a bisa porfin nos a descubri e grot di Chu Chu. awe. dia 8. di june 1954. Nos tur a braza otro di alegria di a descubri e grot. di Chu Chu. Segun historia cu nos welo a conta nos di e Grot ey, Cu tabatatin dos piscador cu a jega di perde esta un ta un indian di juajiro cu jama Jose. Duarte. Babei. y Pedrito. Croezjet. e sey ta e nomber di dos piscador nan cu a perde. Segun ta bisa cu por ta cu nan por a drete e Grot nan a, perde e salida di boca di e grot. tambe por ta posibel por ta e sey tambe.

E dia di dreteamento di e grot di Chu Chu, nos a disidi di plania e dia, pa e dia di drete e grot. Pero nos tur mester a bai traha atrobe.

A drecha tur cos pa e dia jega na bai drete e grot.

A dura como 4. luna prome cu nos por a drete e grot, nos a drete e grot, ariba un Diadomingo pa 10.30. A.M. pero cu poco miedo pasobra cu nos no, sabi kiko por ta biba den e grot bo ta pensa hopi cos prome cu bo drete. e grot 12 di Aug. 1954. Nos a drete cu 500. braza di cabuya fini y cu machete Y cu lampi nan di kerosine y nos Pañnan duro bisti Pero tin algun cos, poco pret di hari. Nos a bisti handschoen di welder, Coverals nan dobel cosi y cu sefty had tock e ta un cos di hari poco mester algo di pret. Nos botter nan di awa y nos termo di coffie pa no savoria den e grot di chu chu. Bueno nos a drete nos a topa cu pocoraton di anochi.

y cu poco barbullet nan basta regular y tambe nos a topa cu algun wesu di bestia sea ta di cabrito of di carne cupor a drete despues perde anto nan ta muri. Nos a descubri nos no sabi di unda e aire friew tabata. bini. Tambe nos haja un lugar cu un sorto di santo blanco tambe ta friew Pero nada otro particular di loque cu nos a pensa. Pero nos tabata sinti, manera un tembla mento bao di nos pia nan pero no mucho di bisa cu e ta

Handwritten signature (B1-2)

un cos por tin su efecto nan pa e grot y pa bario nan ey.
Nos a camna den e grot ful e 500. Braza di e cabuya completo.
Nos a sali for di den e grot 13.55.P.M.44,sec. Pero e grot ta grandi
aya bao pero pa bo drent na e entrada bo mester buk un poco di cabez
y bo lomba. Pero e saki ta un storia tambe cu ta nos Cultura di nos ,
Pais. Aruba e perla di mas bunita den henter Caribe.
E saki un enbusca di e di Chu Chu. Cu nos a logra haje y despues bai,
drenta den dje camna sin problema. E saki ta e unico grot cu nos adrenta,
y cu awor a bini pa historia. Mester pasa e historia nan akipa e Schoolnan.
Pa e mucha nan sabi di nos grot nan nos dama nan nos sero nan y nos reda na
di pisca nos tarai nan nos canaster di cohe pisca.
E saki ta e historia di e grot di chu chu pariba di e haf di Cabe Rubano
ta cu el mi di pone haf di Barcadera. Cu pami ta un esperencia y un cos pa,
ternidad y pa eternidad y un fenomino y un risico y poco peligroso tambe.
A sina ta cu e saki ta e historia di grot di Chu Chu. Cu mi nopo lubida.
Nunca mas di mi bida. es nan cu a drenta den e grot nan nomber y nan Fam.
Organisador, di e enbusca di e grot di chu chu ta e persona nan aki.

Sr. Antonio. Gomez. Sabana Grandi. (Tony. Of Tein.)
Sr. Minguel. Emilio. Thiel. Sabana. Grandi. Chomi of. Slim. Q.P.D. Pas na nan Rest
Sr. Louis. Winterdaal. Wichi. of Lu lu. Sabana. Grandi.
Sr. Roberto. Maduro. Chido. Sabana, Grandi. Q.P.D. Pas na nan Resto nan
Sr. Eleodoro. Marino. Vries. Patushi. Of Anibio. Sabana. Grandi.
Sr. Thomas, Croezjet. Tomy, Of Tom. Baradera. Q.P.D. Pas na nan Resto

E historia akita skirbi pa Sr. Antonio. Gomez.
Dia 14 di Nov. 2005 Pais Aruba.
Camaristraat. # 7. Tarabana. Dakota.

Firma. Pa. 